

蜀

水

經

序

江始於蜀而不始於蜀也岷山自徼外而來瀘江自滇  
而來嘉陵江自秦而來黔江自黔而來在禹貢皆梁州  
之域也西方之水盡匯於此矣蜀地最高蜀地之山又  
最高混混原泉往往漢出其頂此知大地血脉無不貫  
通而蜀山實冠乎南戒鄒道元詳於河而畧於江元魏  
治疆所不及也方今

皇輿廣拓溥海內外罔弗賓臣嘗欲廣輯萬水源流以  
補鄒氏之闕而一舟所不及游雙履所不及齒者無從

臆窺焉各邑乘山無形勢水無源流圖不與文符縣不  
與州合名字改革輒復重書道路紆迴竟成錯紀私心  
竊憾之經過之區遍加咨訪在蜀言蜀仍以水經名  
乾隆甲寅秋七月京山李元書

男 霁 潤之

雯 文若

姪 光德凝九

霖 時也

同校

蜀水經目錄

卷之一

江水一

松潘廳

茂州

雜谷廳

保縣

汶川縣

論江源 考彭門 考岷山 考雞樓城

考籌邊樓 考繩橋 考楊貴妃

卷之二

江水二

灌縣

崇慶州

新津縣

溫江縣

雙流縣

記青城山 考花萼夫人 紀都江田畝

考李冰治水 辨二郎 辨郫江 辨瞿上  
卷之三

江水三

成都府成都縣華陽縣

郫縣

仁壽縣

辨升仙山 考張儀樓 辨支機石 考摩

訶池 辨內外江 論蜀灘

卷之四

江水園

彭山縣

眉州

青神縣

丹稜縣

井研縣

嘉定府樂山縣

犍爲縣

馬邊廳

敘州府宜賓縣

南溪縣

辨彭望山

辨鼎鼻山

考老泉墓

辨東

坡妹

辨佛印

紀墓頤桐梓二堰田畝

記中巖

辨竹溪

論灘名

論鹽井

考

健爲

辨清溪

論江源瀘水

辨青衣

論文風

卷之五

江水五



江安縣

納谿縣

敘永廳永寧縣

瀘州

合江縣

永川縣

璧山縣

江津縣

重慶府巴縣

長壽縣

梁山縣

墊江縣

涪州

辨尹吉甫

辨大涉水

辨孝女渡

辨塗

山考三峽

辨梁山

辨黃草峽

考荔

枝校正水經

卷之六

江水六

鄧都縣

忠州

石碓廳

萬縣

雲陽縣

夔州府奉節縣

論鏡碑梁 論平都山 考忠州名 論折

魚灘 考秦良玉 考馬嶺 考胸膠 辨

雲陽 辨甘夫人墓 考八陣 考白帝城

考澗瀕 論水異

卷之七

江水七

巫山縣

太平縣

辨神女 考神鴉 辨神女峯 辨瀼 考

夔城 辨白狗峽 論新灘 考峽程 考

放翁入蜀 考石湖下峽 辨四川

卷之八

泚水

打箭爐廳

越嶲廳

清溪縣

峨眉縣

辨泚水

辨打箭爐郭達

辨晒經閣

辨

相嶺

考涼山鬼皮落

辨青衣

沫水

天全州

蘆山縣

榮經縣

雅州府雅安縣

名山縣

洪雅縣

夾江縣

辨和夷 辨三江 考王敕 記峨眉

辨聖燈

卷之九

瀘水

會理州

雷波廳

屏山縣

考瀘水源流 考孔明渡瀘 考繩水 考

黑水 考越嶲舊道 考卑水 辨朱提縣

卷之十

若水

鹽源縣

考唐公主 考和盟碑 考天竺 考活佛

孫水

冕寧縣

寧遠府西昌縣

卷之十一

沱江

崇寧縣

彭縣

新繁縣



新都縣

漢州

金堂縣

簡州

樂至縣

資陽縣

資州

內江縣

富順縣

隆昌縣

辨沱江

論漢州名

考前中後三江

考

李八百

綿水

綿竹縣

德陽縣

辨涪水入綿

辨旌陽

辨沈鄉

雒水

什邡縣

榮水

榮縣

威遠縣

耶水

安岳縣

大足縣

榮昌縣

辨思晏水

卷之十二

漢水

廣元縣

昭化縣

劍州

蒼溪縣

辨晴冢山

考褒斜

辨桓水

考飛仙閣

考武后

辨漢壽縣

卷之十三

漢水

保寧府閭中縣

南部縣

蓬州

營山縣

順慶府南充縣

西充縣

岳池縣

定遠縣

合州

考蜀狀元 考顏魯公碑 辨綏山 考充

國縣 論謝自然 考蜀宰相 辨濂溪石

考傅伯成 考銅梁山

白水

辨武興 辨陳式 考劍閣 辨寶誌 考

棧道

卷之十四

巴江

南江縣

巴州

通江縣

論張魯廟

辨王望山

辨巴州

渠江

太平縣

東鄉縣

新寧縣

達州

大竹縣

渠縣

儀龍縣

廣安州

辨韓信碑

辨關索

考宣漢

考蜀金名

卷之十五

涪江

龍安府平武縣

江油縣

彰明縣



石泉縣

安縣

潼川府三臺縣

蓬溪縣

遂寧縣

銅梁縣

辨廉讓水

辨匡山

辨李太白生處

考

石紐禹穴

論火異

考賈島墓

辨德陽

凱江

綿州

中江縣

辨落風坡

論元武山

考王勃

辨郭江

梓江

梓潼縣

鹽亭縣

射洪縣

考琅璫驛

考文昌神

考陳子昂

卷之十六

邛江

大邑縣

邛州

蒲江縣

考張道陵

南廣江

筠連縣

高縣

慶符縣

辨漢陽縣

涓江

長寧縣

珙縣

興文縣

綦江

綦江縣

黔江

酉陽州秀山縣

黔江縣

彭水縣

南川縣

辨黔江 考銅柱 考延江營水

右考辨論記一百四十四則多至數百言  
少僅十餘字不欲廣爲敷衍致啟磨爭也  
其經前賢辨論者集中引之必著其名不  
列於目

蜀水經卷之一

京山李

江水一

蜀西北徼外羊膊山江水出焉

應劭風俗通曰江者貢也爲其出珍物可貢獻劉熙  
釋名曰江其也小水流入其中所公其也禹貢曰岷  
山導江山海經曰女儿之山又東北三百里曰岷山  
江水出焉東北流注於海其中多良龜多鼈其上多  
金玉其下多白珉其木多海棠其獸多犀象多麋牛

其鳥多翰鷲其神狀皆馬身而龍首其祠毛用一雄  
雞產稱用徐家語曰夫江始于岷山其源可以證觴  
及其至于江津不舫舟不避風則不可以涉漢書曰  
岷山在徧氏道西徼外江水所出東南至江都入海  
過郡北行二千六百六十里郭璞山海經注曰今江  
出汶山郡升遷縣岷山東南經蜀郡犍爲至江犍東  
北經巴東建平宜都南郡江夏弋陽安豐廬江淮南  
下邳廣陵入海水經曰岷山在蜀郡氏道縣大江所  
出東南過其縣北鄴道元注曰岷山卽瀆山也水曰

瀆水矣又謂之汶阜山在徽外江水所導也益州記  
大江泉源卽今所聞始發羊膊嶺下緣崖散漫小水  
百數殆未盡觴矣史記疏曰岷江發源隴山東北流  
入渤海朱子曰凡兩山夾行中間必有水兩水夾行  
中間必有山江出于岷山岷山夾江兩岸而行那邊  
一支去爲隴道邊一支爲湖南又一支爲建康又一  
支爲兩浙而餘氣爲福建二廣陸務觀曰嘗登儲家  
山有泉涓涓出山間是謂漢水之源及西游岷山欲  
窮江源而不可得蓋自蜀境之西大川廣谷豁舒起



伏西南走蠻箐中皆岷山也則江所從來荒遠難知  
范成大曰江源從西戎中來由岷山澗壑出而會都  
江世云江出岷山者自中國所見言之金仁山通鑑  
前編曰岷山數百峯大雪山爲最大雪山三峯間其  
後冬夏如烟銀有谷名鐵豹嶺嶺有西岳廟廟下有  
羊膊石江水所出吳草廬曰考唐書岷山近在茂州  
而江源遠出西徼松州交川縣西古西羌地江源鎮  
在縣西北三十里江南流二百四十里至翼州翼水  
縣二百步又六十里至茂州汶山縣汶山卽岷山爲

導江始此又經蜀州之青城縣彭州之導江縣又三百七十里至永康軍唐段國沙州記曰強臺山東卽魏水源西卽墊江源江源記曰岷江發于臨洮木塔山分東西流南流入百里經甘松嶺又南經漳巖堡西其水漸大復經鑊刀灣達松潘於下水關入紅花屯達疊溪至穆庸堡黑水從南合之入溪溝經茂州南至於威汶轉銀嶺合草坡河至盤崖入灌口分道而下由威至玉壘山爲玉輪江至汶爲皂江至灌爲沫江彭鄒山水形勝述曰岷山至茂州直西北最後

蕃列鷺村村有岷山山右有鐵豹嶺則分水之上源也鐵豹一名羊膊蓋夷語不同蔣廷錫地理今釋曰江水出今松潘衛北蕃界源有三支正支自浪架嶺南流東支自弓楨口至漳嵐營合正支西支自殺虎塘至黃勝關合正支南經茂州威州汶川縣以至灌縣離堆岐爲數十股滂沱南下左抱成都府西環崇慶州衆流以次會於新津縣南又南行逕眉州嘉定州至叙州府東南合金沙江折而東北流至重慶府嘉陵江涪江自北來合流入之又東北經夔州府巫

山懸入湖廣界蔣鳴玉漢水考曰川西皆岷岷北流  
爲流入黃河南流入川爲大江此知岷峨總是一山  
只橫障西南二處爲異耳吳任臣山海經廣注曰明  
末時江陰人徐洪祖出關至崑崙山歸作溯江紀源  
一書言禹貢岷山導江特汎濫中國之始按其發源  
河自崑崙之北江自崑崙之南其龍脉與金沙江相  
並南下環滇池以達五嶺江之所以大于河也胡應  
明禹貢錐指曰岷山廣遠江水所出必有定處近世  
無能窮其源者隋書有尋江源記一卷今不傳未知

其說云何據漢書言江水出徧氏道西徠外則當以  
酈注所引益州記爲正自晉以下說江源者皆云出  
羊膊嶺與益州記同按益州記江水發源自羊膊嶺  
東南下二百里至蠶陵又南下二百四十里至汶山  
故郡卽今茂州是也然則江源在茂州之西北去州  
四百四十餘里亦可謂遠矣而范致能陸務觀乃云  
江源出西戎不可窮詰蓋以唐人言江源自松州甘  
松嶺始當時又有謂羊膊嶺在茂州列鷲村者其地  
太近故爲是說非謂江源更在羊膊之外也近人引

江源記云岷山發源于臨洮木塔山臨洮今陝西洮州衛也在松潘之東北江源果發此則又自東北而來與氏道之西徼外相去懸絕爲此說者蓋因隋書岷山在臨洮郡臨洮縣括地志岷山在岷山溢樂縣見有一水自木塔山來入江者遂以爲江水發源彼中明與漢志相背無稽之言不可從也輿程記曰松潘衛西北二百二十里大分水嶺有二派一東南流爲大江一西南流爲大渡河或謂卽羊膊嶺水利記曰江源出岷山羊膊嶺分二流一西南流爲大渡河

一南流爲大江齊息園水道提綱曰大江有二源北源曰綱出阿林水從東麓東南流南源曰那哥多母精阿林水從南麓南流曲曲二百餘里東流北源自西北來會又東流折而東南入黃勝關愚按江源自臨洮而來不誣也今由黃勝關六十里至兩河口由兩河口西行八十里爲出竈由兩河口北行九十里爲狼架嶺而狼架嶺遙接洮州實無大源皆溪澗衆流會合而成唐宋以前地入吐蕃竟以江源爲疑案今則會哨行商日行共覩矣或謂江源獨細不與河

敵然此岷江源也欲與河敵當在金沙江之源犁牛  
山與河源近其入蜀之程較岷江爲遠故議者以爲  
大江正源唐任城王道宗謂柏海近河源柏海卽今  
青海烏海赤海沮洳泥淖方千餘里在大地之中如  
人髓海左潛出爲黃河右潛出爲金沙江古今相傳  
河出崑崙漢張騫尋河源而歸曰安觀所謂崑崙今  
西域數萬里咸隸 皇輿版圖亦無所謂崑崙竊謂  
崑崙者大地如圓毬浮四海之中混淪爲一山非別  
有山也唐劉元鼎指吐蕃閭摩黎山爲古崑崙非矣



江水東南受滴漏水滴漏水源出西番滴漏山下流分  
二派其一西南經出窺溝入大渡河其一東經惡落番  
又東經尖桑與江水合流入黃勝關

沙州記曰龍洞北四十里白馬關甚險峻使十八人  
因險難萬夫亦不能前通志曰康熙六十年粟落諸  
番肆行盜劫爲民害提督岳鍾琪討降之雍正二年  
岳鍾琪由黃勝關出口勦撫十二部落

江水又東南受潤水澗水源出弓楨山亦分二派其一  
東入上羊崗其一西南經漳臘營城西北爲漳臘河又

南受波瀾泉又南經虹橋關爲東勝河入江

唐貞觀八年李靖遣別將李道彥分道伐吐谷渾經  
党項中至澗水出不意襲敗之党項忿怒拒道彥于  
野狐峽道彥敗還松州十二年又令夏侯君集分道  
伐吐番將軍牛進達出澗水卽此水矣愚按任豫益  
州記曰羊膊嶺東南下百餘里至白馬嶺而歷天彭  
關亦謂之爲天彭谷秦昭王以李冰爲蜀守冰見氏  
道縣有天彭山兩山相對其形如關謂之天彭門亦  
曰天彭關江水自此以上至微弱所謂發源濫觴者

也水經注曰江水自天彭關東逕汝關而歷氏道縣  
北此則天彭關當在松潘而北虹橋關卽古之汝關  
今虹橋關曲行二十八里至松潘也杜佑通典曰彭  
州導江縣西有天彭關李膺益州記曰湔水路西七  
里灌口山古所謂天彭關樂史寰宇記曰灌口在兩  
嶺有天彭關曹學佺名勝記曰彭縣北三十里丹景  
山其前爲彭門山兩山相峙懸崖絕壁相去數百步  
如門卽天彭門此則在灌彭二縣之境上距氏道六  
百餘里而彭縣丹景山又非大江所經後人取其形

似名之爲關也

漳臘營屬土司二十八寨曰拈佑熱霧我眉七布毛  
革包子屬中營阿鬼尙屬左營元壩屬右營商巴寨  
盼祈命香咱押頓阿按塔藏郎寨竹自吝罵達弄挖  
藥東拜藏咱八頓中岔郎墮阿壩阿樹郭羅克屬本  
營

江水又西經松潘分府東穿城而出西南折流

沙州記曰六月二十六日發龍洞晝夜肅肅寒不復  
得脫襦袴將從七十二人面盡黧黑口唇青紫

党項羌細封步賴內附置松州都督府督羈縻二十五州而党項地爲軌州濶州諾州四年復置左封五年置西雅州領新城三泉石龍三縣又置蛾州領常平那川二縣二十一年置當州領通軌左封廣年三縣屬隴右道永徽中改屬建南道顯慶元年置平康縣利和縣屬當州又分置拱州悉州識舊縣三年置柘州領柘縣喬珠縣儀鳳元年分置南和州二年改靜州領悉唐靜居清道三縣文明元年置谷利平康縣屬當州垂拱二年置歸誠縣開元二十四年分置

帥部落內附置扶州覃州二總管府領龍洞郡交州  
縣同昌郡嘉城縣又置平康江源二縣屬汝山郡九  
年平蠻後羌置翼針郡翼針縣清江郡龍求縣廣年  
郡廣年縣左封郡左封縣榮鄉郡通軌縣隋開皇元  
年廢府三年廢郡七年廢州以諸縣屬蜀州改龍求  
爲清江縣十八年改清江爲翼水縣大業初置同昌  
郡領嘉誠交川二縣省廣年入左封唐武德初改同  
昌爲松州嘉誠交川鹽泉三縣又置翼州領翼針  
翼水左封峨和四縣三年省左封入翼水貞觀二年

松潘分府故滿氏道也秦置屬蜀郡漢武帝逐諸羌  
渡河湟居塞外築扶州松州潘州城置護羌校尉兼  
之分置鷲陵縣屬蜀郡王莽改步昌縣東漢復故屬  
漢以汶山險要自汶山龍涸冉駹白馬匡朋皆置屯  
守又分置平康縣屬汶山郡晉分置興樂縣又改滿  
氏道爲升遷縣俱屬汶山郡元康八年汶山興樂黃  
石與廣柔平康羌有仇遂叛而三縣皆廢梁太清中  
蕭紀置鐵州尋廢後魏太和九年宕昌王梁彌博爲  
吐谷渾立梁彌承而還後周天和元年龍涸王莫昌

恭州領廣年博恭烈山三縣天寶元年改翼州爲臨  
翼郡松州爲交川郡柘州爲蓬山郡恭州爲恭化郡  
當州爲江源郡悉州爲歸誠郡南和爲靜州郡讖蒼  
爲昭德縣翼針爲衛山縣廣年爲和集縣乾元初廢  
郡復爲州廣德以後俱沒於吐番大歷五年於山陵  
要害地置松當悉柘靜恭六州謂之行州非故地矣  
宋置上清中清下清三州以吐番將潘羅支領之元  
置吐番宣慰司明洪武十一年置松州潘州二衛二  
十年併爲松潘指揮屬四川行都司嘉靖四十二年



改松潘衛屬成都府 國朝雍正八年改松潘撫民  
同知屬龍安府今直隸松茂道所屬土司二十寨曰  
雙則川柘余灣竹當那浪撒路崇路作路革凹阿細  
巴細班祐甲凹阿格作格奪裸轄漫物藏熱當磨下  
唐松當悉柘靜恭六州按之輿圖松州卽今松潘分  
府治也治南一百八十里七頃山下有翼州治翼州  
西二百二十里悉唐川有悉州治悉州西八十里有  
靜州治靜州東北六十里利川鎮有當州治靜州西  
北三十五里有柘州治靜州西南六十里有恭州治

而柘州西南一百里至恭州恭州西南二百五十里  
至雜州宋之三潘則阿尖寨卽上濟州也班班族卽  
下濟州也二州之間爲中濟州在治北七百五十里  
隸平武境內城趾尙存其地愈北愈平曠遠無際  
吐番姓勃罕野氏居析支水西唐貞觀九年贊普棄  
宗弄讚始通中國遣使入貢贊普譯言君長也永隆  
中西洱諸番皆降於吐番吐番之地東接涼松茂嶺  
諸州南隣天竺西陷龜茲疏勒北抵突厥地方萬餘  
里上元中吐谷渾亦徙靈州而故地盡入吐番矣大

歷間吐番入寇爲崔寧李晟所破太和間首領悉怛  
謀來降宗初首領唃廝囉徙居青海元憲宗始置吐  
番宣慰使司世祖因郡縣其地而僧人入思巴爲大  
寶法王領之明洪武初丁玉討平諸蠻設安撫司四  
日八郎曰麻兒匝曰麻兒者曰阿角寨長官司十七  
日麥匝曰者多曰勒都曰阿昔洞曰北定曰祈命曰  
蜡匝曰牟刀結曰山洞曰占藏先結曰包藏先結曰  
班班曰白馬蹄曰阿思曰思囊曰阿用曰潘幹隸松  
潘衛土司考其族類有大姓小姓西番吐番黑帳房

土人之別各異其姓貪利好鬪輕生易死履絕壁峭  
崖若馳驟康莊其俗砌石作屋無藩柵之衝種青稞  
畜牛羊爲食隨意立姓以類相聚雖父子兄弟之親  
往往自相讐殺遇疾病不知醫藥信鬼神延巫灼羊  
膀拉索以卜吉凶人死雖子孫窮迫必製錦緞衣服  
靴帽爲死者之服然後疊柴爲堆置屍其上焚之收  
其骨或揚之山或擲於水婚姻論財爲禮以牛羊馬  
數匹頭折聘食則咎巴飲則乳茶衣則毳毯羊皮無  
分冬夏皆衣之刻木爲信亦或變物類以述害人籍

尚載記曰松潘古丹驪地積雪凝寒盛夏不解人居  
系石爲室高者至十餘丈名曰瑯房親死斬衰布衣  
五年不浴犯淫事者輸金請和而棄其妻惟處女殘  
婦勿禁有罪者樹一長木擊鼓集衆殺之富者貫死  
燒其屋奪其田畜部落甚衆無總屬推一人爲長

江水又西南經交川縣故城

紅花山下卽縣故治

江水又西南經歸化堡又南經甘松嶺

隋書曰通軌縣有甘松山通輿曰羊膊山下甘松嶺

有江水所發之源新唐書曰開元十九年吐番請立互市于甘松嶺裴光庭曰甘松嶺中國之阻不如許赤嶺寰宇記曰甘松山亦謂之松葉嶺江水發源于此元和志曰甘松嶺在嘉誠縣西南五十里

江水又南經鎮江關

在松潘同知治南一百二十里亦名蒲江關亦名北定關

江水又南經平番營

舊名黃壩在松潘治南一百二十六里 國朝康熙

八年置遊擊隸松潘鎮其屬土司三寨曰丟骨曰呷  
竹曰雲昌

江水又南經蠶陵山

故蠶陵縣以山名也古蠶叢氏之國在疊溪營北三  
里後漢書注曰蠶陵故城在翼水縣西舊唐書曰在  
衛山縣西

江水又南經疊溪營

故翼州衛山縣治也明洪武十一年置疊溪千戶所  
郁氏世襲領疊溪營郎長官司宣德十二年增置普

安靖夷鎮番三堡 國朝營屬土百戶三曰大姓小  
姓松坪皆牧七族寨。營北十一里有龍洞故城一  
名防渾城營西有白岸都護祚鼎三城唐貞元中韋  
臯破吐番進屯白岸

江水又東南經翼水縣故城西

元和志大江經縣西二百步

江水又東南經石鏡山

隋書曰翼針縣有石鏡山元和志曰石鏡山在翼水  
縣東南九里山側有石圓徑二尺明徹如鏡



江水南經長寧堡受翼水

源出松楸二水合流如張兩翼故名一名疊溪卽黑  
水也提綱曰黑水有兩源北源出九里古拉達巴罕  
煩水東北流折而東南曲曲行二百餘里其南源出  
西南山中東北流二百餘里來會又東南百里入邊  
又東南百餘里折南流八十里又折東南流九十里  
至堡西北與大江會

江水西南經茂州城西受白水白水源出州南巨人山  
西入江

巨人山有石如人立因名山頂有龍湫其水下流爲龍溪舊引入城兩池滯之資居民汲引今自城外西入江謂之白水

茂州古冉駹國也漢元鼎六年開置汶山郡汶山縣地節三年夷人以立郡賦重省汶山入蜀郡爲北部都尉其屬六夷七羌九氏各有部落東漢爲汶江道永初三年爲廣漢屬國都尉延光三年復立汶山郡蜀建興十年平康夷反姜維討破之晉移郡治綿虓而改汶江道爲廣陽縣東晉廢郡縣齊復置北部都

尉栗普通三年改北部郡置廣陽縣周保定四年改  
北部郡爲汝州隋開皇三年改汝州爲蜀州七年改  
蜀州爲會州仁壽初改廣陽爲汝山縣大業初改州  
爲汝山郡唐武德元年復爲會州以臨塗羌歸化置  
塗州領端源婆覽二縣四年改郡爲南會州永徽二  
年特郎辟惠等羌內附置蓬魯等三十二州貞觀元  
年党項歸化置岷州領江縣洛稽二縣二年省塗州  
入會州四年處党項歸化置西詘州領訖誠清化帶  
方三縣生羌歸化置遠州領羅水小部川二縣俱屬

松州羈縻五年復置塗州領端源臨塗悉憐並縣  
羌歸化置西封州領大封慕仙諡川三縣  
尅州領  
貝左洶東二縣置西博州領小川微當辟川當轉恭  
耳五縣西羌董洞貴歸化置微州領文微俄耳改進  
三縣敵才羌歸化置西冉州領山磨山玉孫塗水  
國縣七年白狗羌歸化置西恭州領蓬都亭勸比累  
三縣俱屬會州羈縻八年改會州爲茂州西諡州爲  
可州西封州爲交州西冉州爲冉州西博州爲育州  
西恭州爲符州先天元年劉翼水置雜川縣天寶元

年改茂州爲通化郡屬劍南道五年分雜川昭德二  
縣地置昭德郡乾元元年改昭德郡爲真州治真符  
縣而通化郡仍爲茂州廣德後陷於吐番宋置茂州  
通化郡屬成都府領當真時塗遠飛乾可向居十  
廬州及春雅城壽寧延寧二砦元屬吐番宣慰司明  
洪武四年置茂州領岳希蓬靜州隴沐三長官司十  
七年置茂州衛省汶山入之屬成都府 國朝雍正  
五年州直隸松茂道所屬土司有靜州隴木岳希蓬  
三長官司長寧安撫司牟托水草坪竹木坎三廳檢

司○州西北五百五里。有廣陽故城。其西南之。其  
戎城則唐儀鳳二年益州長史李孝逸所築。其二里  
之舍堂城則明嘉靖二十一年兵備胡鼇築。北二里  
之萬里城則明嘉靖中副使朱統築。○宋鄧徽茂州  
列岫堂記。白九頂山列於前。屏風臺盤二山列於西。  
巨人橐駝二山列於東。王咨題練光亭曰。以江自嶺  
外東繞汶川郡而西北出。極目可百里。其勢如朝陽舒  
彩。夜月流天之際。一望水光若萬丈。長虹天矯。其上  
而吞吐之也。

江水又南經九頂山

禹貢岷山也在州東南二十五里距江五里河圖括地象曰岷山之地上爲井絡帝以會昌神以建福上爲天井蜀謠曰汶阜之山江出其腹帝以下昌神以建福漢書注曰岷山一名鴻蒙一名沃焦在隴山南首故稱隴蜀直上六十里郭璞岷山贊曰岷山之精上絡東井始出一勺終至森溟作紀南夏天清地靜祝穆方輿勝覽曰梁州之山四岷嶠蔡蒙西山皆岷北山皆嶠南山皆蒙冕以道曰蜀山近江源者通爲

岷山連峯接岫重疊險阻不詳遠近青城天彭諸山之所環繞皆古之岷山青城乃其第一峯也元和記曰岷山去青城山百里天色晴明望見成都此山之頂停雪常深百丈夏月融泮江川爲之洪溢卽隴山之南首也其高直上六十里山有九峯故名九頂李宗諤曰維州南界江城岷山連頂而西不知其極北望高山積雪如銀東望成都若井底地理今釋曰岷山跨古雍梁二州自陝西鞏昌府岷州衛以西太山重谷谿紆起伏西南走蠻箐中直抵四川成都府之



西境凡茂州之雪嶺灌縣之青城皆其支派而導江之處則在今松潘衛北西番界之浪架嶺漢書所謂岷山在湍氏道西徼外是也雖指曰古今言岷山者凡四處一在松潘衛東南去布政司七百六十里封禪書自華以西名山七有瀆山蜀之汶山也漢書岷山在湍氏道徼外江水所出秦宓曰蜀有汶阜之山江出其腹華陽國記岷山一名沃焦山其附曰羊膊江水所出任豫益州記大江泉源始發羊膊嶺下水經注岷山在蜀郡氏道縣卽瀆山也又謂羊阜山在

徽外江水所導隋書汶山在汶山郡左對縣此皆謂  
在松潘者也一在成都府之茂州州本冉駝國漢置  
汶山郡治汶江縣晉改廣陽隋改汶山山海經注岷  
山在廣陽縣水經注汶水出汶江道徽外岷山玉輪  
坂下元和志汶山縣有汶山卽岷山去青城山百里  
張栻西岳碑岷山在茂州利鶯村其跗曰羊膊輿地  
廣記岷山在汶山縣西北俗謂之鐵豹嶺地理通釋  
大渡河一名羊山江源出鐵豹嶺卽羊膊之異名此  
皆謂在茂州者也一在成都府之灌縣縣本漢綿虜

輅江原三縣地周武帝分置青城縣因山爲名元和  
志青城山在蜀州青城縣西北三十二里杜光庭成  
都記岷山連峯接軸千里不絕青城乃其第一峯此  
皆謂在灌縣者也一在陝西之岷州衙衙本漢隴西  
縣地西魏置溢樂縣今衙治卽其故城括地志岷山  
在岷州溢樂縣南連綿至蜀幾二千里昔名岷山元  
和志岷山在溢樂縣南一里此皆謂在岷州衙衙也  
然則岷山最大諸家各就其所在言之大抵岷山北  
起于溢樂實跨古雍州之境而南則迄于青城綿地

千餘里與太行伯仲或專指在松潘亦非篤論然大江所出則必直氏道西徼外者也愚按禹導岷山岷山非江源亦猶導河積石積石非河源也灌縣而下平原曠野疏則民利壅則民害故神禹導之灌縣而上山石曲折無可導處溝深巖險亦不易導其疏壅無能爲利害亦不必導也青城非江水所經岷州亦失之太遠唯松潘茂州爲近之然漢武開西南夷而汶山縣在茂州則岷山可知矣漢始稱在湔氏道西徼外是猶西漢出嶓冢之誤也世尋江源而不得遂

謂岷山所包者廣方與勝覽謂梁州西山皆岷彭韶  
謂蜀山近江源者通謂之岷是岷無定山矣漢元延  
三年春正月丙寅岷山崩墜江三日江水竭漢人質  
實言之當卽此山

江水又南經七里關

唐元符二年高駉戍望星關卽此關也關前有小孔  
七大孔一穿山而成如七星伴月關南棧道臨江倚  
崖舊稱險地明嘉靖十九年副使張問之鑿爲坦夷  
江水又西南經的博嶺

唐韋臯分兵出西山靈關破峨和通鶴定廉城踰的博嶺遂圍維州搏雞樓老翁城攻下羊溪等三城取劍山屯焚之按雞栖老翁城在茂州東北百七十里  
有雞棲村雞棲川演繁露曰西番有老人消縮如小兒住梁上雞窠中乃其現在子孫之九世祖也其說甚怪

江水又東經七盤山

寰宇記曰山在汶山縣北九里上有七盤坡唐大歷十四年吐番入寇分道出茂州及扶文官軍敗之于

白壩又迫之于七盤山

江水又東受湍水湍水源出雜谷紫花巖東經雜谷府城東南又東受孟董溝之水又南經保子關雙橋貫之謂之雙索橋又南入江

水經注曰湍水出綿虜道亦曰綿虜縣之玉壘山呂忱云半沅水也漢書曰綿虜玉壘山湍水所出東南至江陽入江過郡三行千八百九十里

玉壘山在縣東三百里衆峯叢擁遠望無形惟雲表崔嵬稍露之山石瑩潔可爲器卽砭砮之類唐貞觀

初關其下名七盤關亦名玉壘關蜀構杙曰蜀王建  
武成二年召張道古爲武部郎中道古至玉壘關謂  
所親曰吾唐室諫臣終不能拳跽與雞犬同食今召  
還必再貶此死後葬關東不毛之地題曰唐左補闕  
張道古墓名勝記曰維州治後卽玉壘山蜀後主觀  
瀾江至此親書玉壘山三字於州署後其大盈尺左  
有龍洞有魚長可徑尺州人以其爲神魚無敢捕者  
雜谷故吐番也前明世襲安撫司土職康熙十九年  
土司板第兒吉歸化襲職如故乾隆十七年置理番



府同知直隸松茂道其屬有四長官司曰松崗曰樓  
唐曰黨壩曰卓克基有五寨頭人曰九子曰雜谷腦  
曰上孟董曰下孟董曰千堡

江水又南經保縣城西謂之箭水

有箭山一岡直下如矢卽唐箭上里

保縣故冉駹地也漢武帝開置廣柔縣屬蜀郡晉廢  
于羌隋開皇四年討叛置定廉戍薛城戍屬會州唐  
武德七年白狗羌內附置維州領金川定廣定廉三  
縣有乾溪白望暗楠赤鼓溪石梯達節鷄日質臺駱

駝九守捉城其西南又有通耳瓜坪侏儒箭上谷口  
六守捉城又有寧寨姜維二鎮貞觀二年分定廉之  
鹽溪村置鹽溪縣改薺城戍爲縣永徽元年省薺城  
入定廉咸亨二年分金川地置小封縣垂拱二年改  
小封爲威戎軍又改爲通化軍開元二十八年改定  
廉爲奉州天寶初招附生羌置靜戎郡領安信歸化  
牙利保寧四縣又改維州爲維川郡保州爲雲山郡  
屬劍南道八年徙雲山治天保軍爲天寶郡又分置  
歸順雲山二縣復改保川軍廣德元年陷於吐番乾

元元年歸誠復維保二州改靜戎郡爲霸州領安信  
歸化二縣又改保州爲古州蜀永平二年改樺城爲  
保寧縣宋景德三年置威州維川郡領保寧通化二  
縣保霸二羈糜州政和四年改保州爲祺州春祺縣  
改霸州爲亨州嘉會縣宣和三年廢祺州以春祺屬  
威州明洪武三年省通化六年改保寧爲保縣屬成  
都府 國朝改屬茂州○威州本治縣西北之鳳坪  
里明宣德六年遷保子岡河西卽故汶川縣治十年  
遷河東雍正七年省州移保縣來治故保縣治在今

治西北七十里其霸州故城在縣西北二十五里金川故城在縣東一百三十里小封故城在縣南六十里定廉鹽溪保州三故城在縣西北定廣故城在縣南又縣西有當狗城宋恭城望漢城西北有通鶴城皆吐番所築唐韋臯崔寧破之縣南有柔遠城唐李德裕築安遠城宋築縣西北有龍溪城唐韋臯築也唐廣德元年吐番南入松維保州及雲山新籠城二年嚴武破吐番南鄙兵七萬拔當狗城大歷十二年吐番侵坊取党項牧馬破之崔寧攻望漢城貞元初

韋臯築龍溪城西山堡二年破定廉城七年使崔堯  
臣出龍溪石門伐之九年破定廣城十年破宋恭城  
太和五年吐番守將悉怛謀以城降李德裕受之築  
柔遠城唐書曰維州南抵江陽岷山西北望隴山一  
面崖三涯江號無憂城爲西南要扞李德裕建籌邊  
樓按南道山川險要與蠻相入者圖之左西道與吐  
番接者圖之右其部落衆寡遠邇曲折咸具乃召習  
邊事者與之指畫商訂凡虜之情僞盡知之隴蜀餘  
聞曰李衛公籌邊樓在保縣城市中樓凡二層每層

高二丈許梁柱皆當時物愚按籌邊樓有三一在保縣籌西道也一在清溪籌南道也一在蜀城太慈寺兼籌西南道也

江水南受大溪水又西南受登溪又南經姜維城

姜維城在高碛山兩面懸崖云是姜伯約築城駐兵處唐貞觀二年維州蕃城縣治此大中三年刺史高宰築維州子城于此維州以伯約名也唐書曰維州距成都四百里因山爲固東北由索叢嶺而下二百里地無險走長川不三百里直吐番之牙

江水又南經汶川縣城西

汶川縣故綿虜縣也漢置屬蜀郡後漢爲綿虜道蜀  
置汶山郡汶山縣晉廢後周復置汶山郡汶川縣隋  
開皇六年分置金川縣十八年改金川爲通化宋天  
聖元年改通化爲金川景祐四年復爲通化熙寧九  
年置威戎軍政和六年改延寧軍宣和三年廢軍爲  
寨屬茂州四年省寨入汶川縣明初廢通化以汶川  
屬成都府 國朝雍正五年改屬茂州○今汶川縣  
明寒水驛也明宣德中威州數罹番害因遷州治于

汶川縣而汶川遷治于寒水驛故汶川縣治在威州  
故城山屢平處

水經注曰江水逕汶江道汶出徼外岷山西經玉輪  
坂下南行又東逕其縣而東注大江故蘇代告楚曰  
蜀地之甲浮船于汶乘夏水而下江五日而至郢楊  
升菴曰岷字說文作巒省作岷漢人隸書作汶多與  
汶上之汶相混列子船不踰汶謂川江非汶上也司  
馬溫公類篇謂汶音岷史記引禹貢皆作汶蓋古通  
用五代史徐無黨注汶讀作岷



江水又東受草坡河草坡河源出天赦山東受龍潭東經加渴瓦寺司受沙派水又東經濕坂入江

任豫益州記曰江水自白馬嶺回行二十餘里至龍澗又八十里至鷲陵縣又南下六十里至石鏡又六十餘里而至北部始百許步又西北二十餘里至汶川故郡乃廣二百餘步又西南百八十里至濕坂江稍大矣故其精則井絡纏曜江漢炳靈泉流深遠盛爲四瀆之首元和志曰濕坂在汶川縣南一百三十七里嶺樹森沉嘗有水滴未嘗暫燥故曰濕坂

加渴瓦寺安撫司前明世襲土職 國朝順治九年  
土司曲朗伸歸化得襲故職駐塗禹山

江水又南經興文坪

徑狹臨江有飛石傷人雨後更甚行旅畏之

江水又南經桃關

桃關本名陶關明初四川都司遣兵修橋梁及關汶  
川土酋孟道貴集部落拒阻于此有索橋橫江爲金  
川要隘寰宇記曰梁普通三年於此置繩州取桃關  
之路以繩爲橋按繩橋之法先立兩木於水中爲柱

架梁於上以竹爲繩乃密布竹繩於梁繫於兩岸或以大竹落盛石繫繩于上又以竹繩布于繩夾岸以木爲機繩緩則轉機收之僧智猛所謂水崖皓然百千餘仞飛繩爲橋乘虛而過窺不見底仰不見天寒氣慘酷影載魂慄是也又有度索尋橦之橋大江水峻如箭兩山之屬繫索爲橋中剗木爲橦拴繫行人于上以手自緣索到彼岸則旁有人爲解其繫尤極危險吳船錄曰繩橋長百二十丈分爲五架橋之廣十二繩相鱗排連上布竹笆攢力大木數十於江沙

中輦石以固其根每數木作一架掛橋於半空大風過之掀舉幡幡然大畧如漁人願網染家旒彩帛之狀須捨與疾步稍從容則震掉不可行望者失色

江水又東南經娘子嶺

俗傳楊貴妃歸京師時經過此嶺故名太真外傳曰楊妃小字玉環宏農華陰人徙蒲州永樂之獨頭村高祖令本金川刺史父元炎蜀州司戶參軍妃早孤養於叔父河南府士曹元璠家又嬌南瑣記曰貴妃本廣西容州普寧縣雲陵里人父雜母葉氏都督部

署楊康乞爲女長史元炎轉乞爲女按唐史妃蒲州  
永樂人父元炎叔父元珪與外傳合獨珪瑛二字小  
異方妃貴盛時其父元炎母李氏叔父元珪堂兄銛  
堂弟錡鑑再從兄釗卽國忠姊韓國夫人妹範國夫  
人秦國夫人國忠長男暄小男駟韓國壻崔珣號  
男裴徽秦國壻柳澄澄弟潭澄男鈞皆蒙貴寵何得  
本生父母獨無榮施瓊記不足信也又按楊元炎任  
蜀州司戶參軍而貴妃生焉唐蜀州武德元年置天  
寶改唐安郡今之崇慶州也世傳貴妃生茂州而汶

川因有娘子嶺然茂州在隋開皇三年廢汶山郡爲  
蜀州七年已改晉州矣又按開元二十三年冊壽王  
妃楊氏二十八年度楊氏爲道士號太真天寶三載  
潛納於宮中號娘子四載冊爲貴妃十載安祿山生  
日召入禁中用繒帛爲大襜褕使宮人裹而沐浴賜  
貴妃洗兒錢十五載縊死馬嵬考明皇生於垂拱元  
年八月五日貴妃生於開元七年六月一日納宮之  
年明皇六十一歲貴妃二十六歲何媿昵之甚也安  
祿山生於景龍四年二月至天寶十載已四十有四

歲貴妃方三十有三乃襁褓洗兒明皇不悟亦大可  
怪矣正史不載此事當由小說之誣也